

2 Korinti

Yai zézé ac.

¹ Anutuac ewa sinj niñac Kristo Yesuac Méliméli ic wañi ni Paulo zéma ninzén ninzén munanina Timoteo niri hénaroinj Korinti ama areña yandaiguc keczu zéma ic embac téréya Akaia baec séc keczu ionac momacnec kiwi yomi oénécmizic;

² Neñañ Mañgocnina Anutu zéma Miñ Kewunina Yesu Kristo iorarunec ewa hia zéma luaenén onac muru he énécmimac.

³ Miñ Kewunina Yesu Kristo iwac Mañgocya Anutu mepésimiwiñ. Inén wésé niniñac Mañgoc zéma qeri mebélac qebélac hénia hénia moczonj imuac Anutu kecanzac.

⁴ Inén zéra waiya hénia héniaiguc qeri mebélac qebélac wañ nénécmianzac. Wañu neñañ qeri mebélac qebélac Anutuac murunec meyiñ iminénec ic embac tosara zéra béra hénia héniaiguc keczu imi bénzénec qeri mebélac qebélac wañ énécmiwiñ.

⁵ Imi mia hénia yomuac niñac imuhuc zézua; Kristoac qenzen manzenén neñañ kekeciguc sécgéma hezac. Imuhucyanec qeri mebélac qebélacnéj Kristoac murunec hama neñañ muru qesalecgé nénécmizac hénia imuac niñac imuhuc zézua.

⁶ Nini zéra waiya mihicñima kecanziciguc imi onac qeri mebélac qebélac zéma angén tiénécmimiawac niñac, wañu nini qeri mebélac

qebélac wañ nénéc mimiawac kecanziciguc imi acguc onac qeri mebélac qebélac niñac, qeri mebélac qebélac iminéñ onac muru ai meyu zéra béra nini mihicñianziñ imuhucya imi ini acguc hia bisiqatén wamma nañselimu.

⁷ Ini zéra waiya imuaru toroqema kecanzu ésécnec qeri mebélac qebélaciguc imuhucyanec wamma kecmu imi ni ninzua imuac niñac niñkinzénina onac muru hezac imi mimiñzalia qahac.

⁸ Ninzén ninzén dacmuna hécnina, imi mia hénia yomuhuc niñac, nini Asia baeciguc zéra waiya qahaiguc kecma éreyiñ imi ini ménda nimmu niñac ménda wanziñ. Nalé imuaru zéra waiya yéwéria sécnina ogicogicya qacni-naiguc emma kilanzi nénécmiyu kekecninawac niñkinzén imi acguc waiyiñ.

⁹ Humucac buña zétecgé nénécmimia zéma niñni hélaguc wañec, néñ haka imuhuc hicñi nénécmiyec imi mia nini neñaoc ménda héiseli amuma humuc ic meqeli énécmianzac Anutu iwac muru sac héiseliwiñ niñac imuhuc hicñi nénécmiyec.

¹⁰ Wañu inén mia humucac déc igucnec metecgé nénécmiyec. Wañu toroqema metecgé nénécmimac. Wañu muñgucnec metecgé nénécmimac zéma iwac muru niñkinzénina haianziñ.

¹¹ Wañu ini acguc toroqe nénécmima zéwelec wamma méra nénécmimu. Imi mia ic embac sasalanén nañgé nénécmima zéwelecgic ewa hi-awac ai buña nénécmiyu iminéñ ai meni, nonac

niṅac wamma Anutu ewa hia ac wammimu.

¹² Nini baeciguc kecma haihaka wamma onac muru geṅ imi ogicogicyawac wamma Anutuac haka méndacma keṅhéi hahéi qahac hélacnec wamma baecac niṅtegic qṅtegegiciguc qahac, néṅ Anutuac ewa hiayaiguc héima namma ai meanziṅ imi nonac ewa qeri solaṅa ninanéṅ héipuc waṅ nénécmizac. Waṅu nini imi imuac niṅni eeyaguc waṅanzac.

¹³ Imi mia hénia yomuhuc niṅac, Nini kiwi tosara qahac, néṅ ini hia olomma hia niṅtegitmuac séc imuhucya sac oénécmianziṅ. Ini niṅasaridacmu zéma niṅkewu waṅ énécmizua.

¹⁴ Ini hénianina bakianec sac niṅasarianzu imuac séc Miṅ Kewunina Yesuac nalé yandaiguc nini onac zézé ségiségigina wannu, ini acguc nonac zézé ségiséginina wammu.

¹⁵ Ni imi hélacnec ninzéngeyi. Hénia imuac niṅac onac muru walac hamaṅ zé niṅarengeyi. Imuhuc wamba ini hatac éréhécnec mérianṅinaguc wammu.

¹⁶ Hénaiguc keṅ inicma Makedonia baeciguc kemmaguc muṅguc Makedonia baec imuacnec onac muru liliṅgé hawa méli néṅu Yuda baeciguc kemmaṅ zé niṅ arengeyi.

¹⁷ Ini niṅic ni sic saoc nimma hénia qahac imuhuc waṅi tanec wanzac me séwinawac siṅ méndacma eṅ hia hia qahac qahac zéma niṅarengeyi tanec wanzac me?

¹⁸ Anutu imi ménzézé ménzézéya qahac, imuac séciguc acna imi acguc hia zémaṅguc duṅa melemma qahac ménda zémaṅ.

19 Ni zéma Siliwano* zéma Timoteo nenen Anutuac naŋa Yesu Kristo iwac hénia imi suginaiguc zéau énécmiyiŋ. Waŋu inéŋ hia zéma qahac ménda zéyec. Imuac niŋac iwac muru imi hia sac heanzac.

20 Kristoac qeriaiguc imi Anutuac sisipac ac imi moczoŋ yanda hia zézéya. Imuac niŋac nini iwac muru héima namma hélacnec zéma Anutu mepésimianziŋ.

21 Nini zéma ini momacnec Kristoac qeriaiguc meseli nénécmima halécnéŋ météré nénécmiyec imi mia Anutu.

22 Inéŋ mia eŋeya qara asé kiwi ésécnec ewa qerininaiguc oma Uŋa Téréya nénécmiyec. Waŋu Uŋa Téréya iminéŋ iwawai kecma hicŋi nénécmimac imuac qérawia wanzac.

23 Ac geriwaguc waŋ énécmiwi niŋac ni Korinti ama areŋa yandaiguc ménda hayi. Ac imi hélacnec zézua, Anutunéŋ qeri uŋanawac héipucya wanzac.

24 Ini ninzéŋ ninzéŋiguc naŋselima keczu imuac niŋac, nini onac ninzéŋ ninzéŋ imuac galenŋ kecziŋ zéma ménda zézua, néŋ nénéwécgeŋa iguc ini ségiségigina mihicŋimu niŋac, ai momacgina kecziŋ.

2

1 Hénia imuac niŋac, ni onaru muŋguc ewa goronaguc ménda hamaŋ zé niŋselizua.

* **1:19:** Roma ic eneŋ Silawac Siliwano zéaŋgic.

² Ewa biric mihicņi énécmizuaiguc, nenaoc ewa biric mihicņi miyi i qahac waņu, ic diminéņ ewa hia mihicņi nénzac?

³ Ni kiwina imuhuc oénécmiyi imuac hénia imi onac muru hamaņ nalé imuaru ewa hia mihicņi némmuac hezac ionac murunec ewa biric mihicņiwi niņac. Ni imi nuac ewa hianéņ momac yanda onac ewa hia wammac zéma niņkumuzua.

⁴ Ni qerina yéwériyu ewa goro wamma kecba kic masina sasala mayec imuac niņac kiwi imi oénécmiyi. Waņu imi mia yéwéri mihicņi énécmimaņ niņac qahac, néņ onac siņņa sasala késa keczua imi niņtegiemu niņac kiwi imi oénécmiyi.

Képésic waiwai.

⁵ Mérénéņ mēņ waņu ewa biric hicņizaciguc imi, netecgéma ogicma zémaņ zé ménda wanzua, néņ zékaņ zékaņ zéwa, inéņ imi nuacnec ménda mihicņizac, néņ hénaroiņ moczoņ yanda mihicņi énécmiyec tanec wanzac.

⁶ Sasalanéņ ic imuhucyawac zémindiņi qemindiņi wammigic nimba sécgézac.

⁷ Imuac niņac néwécgeņac késpedesica waimima ewa qeria mebélacgégic. Ewa biric ogicogicyanéņ hélanzimiwac niņac.

⁸ Imuac zéwelec énécmizua, siņ niņmimanec keczu imi mewininigic seligimac.

⁹ Ni imi ini ackuazéc moczoņ niņtohoanzu me qahac imi batucgé nimmaņ zéma kiwi imi oénécmiyi.

¹⁰ Ic méņac mēņ késpedesira waimigic ni imuhucyanec waimimaņ. Késpedesic imuac me

imuac waimizuaiguc waiwai hakana imi Kristoac kiwaiguc onac niñac wawaña.

11 Nini Biria miñinawac niniñ qambaña imuac qelaña ménda kecziñ imuac niñac Biria miñinanéñ ikoc wañ nénécmiwac niñac imuhuc wanzua.

Sisipac ac qeliawac ai ichéra.

12 Ni Kristoac buña suruc hiabia zéau énécmimañ zé Troa amaiguc kenji nalé imuaru Miñ Kewuninanéñ niñnéñu ai memeac sanjulan méñ auma nanec.

13 Wañu ni ninzén ninzén dacmuna Tito imi ménda mihicñiyi imuac niñac nuac ewa qerina imi hia ménda mebélacgéyi, néñ yaizézé ac wañ énécmima Makedonia baeciguc kenji.

14 Wañu Anutu ewa hia ac wammiwiñ, inéñ nalé séc Kristoac qeriaiguc meseli nénécmiyu yaréiguc onogicanziñ. Wañu Kristo niñmimia imuac héméña hiabianéñ neñañ murunec saima baec séc sécgéma kenñazac.

15 Hénia imi yomuhuc; Nini imi gési énécmimia zéma humucac buña ionac sugcinaiguc momacnec Anutuac kiwaiguc Kristoac héméña wanzin.

16 Tuñ méñac muru héméña iminéñ humucac buña tanec wañu humuciguc onagicma kemmac, néñ tuñ méñac muru imi héméña iminéñ kekecac buña wañu kekeciguc onagicma kemmac. Ic méréñéñ ai buña imuac sécyá wammac?

17 Nini ic tosara ésécñec soukiwa mihicñiwiñ zé waiñiguc doku haianzu ésécñec Anutuac ackuazécnéñ diwi qiwiliña ménda wañanzin, néñ

nini imi Anutunéh méli nénécmiyu Anutuac kiwaiguc zéma Kristoac qeriaiguc qeri hélacnec zéau énécmianziñ.

3

¹ Nini neñaoc zénañgé amuwiñ zé muñguc hénima ac zéziñ? Nini ic embac tosara ésécnec zénañgé ac kiwi onac muru haini hamac me, onac murunec nonac muru kiwi imuhucya haigic hamac niñ qesi énécmiwiñac ménda hezac. Ini niñgic imuac wambiñac hezac me?

² Eñaoc mia kiwinina wanzu. Imi mia ewa qerinaiguc ooya. Ic embac momac yanda oloñ nimmuac hezac.

³ Ini imi Kristoac kiwi héndéh héndéña kecgic héngaleñ wañ énécmima kecziñ. Wañu kiwi imi kirifi dokuyanéh ménda ooya, néñ Anutu kekecyaguc iwac Uñanéñ ooya. Wañu Kiwi imi hoc hilañaguc ménda ooyanéñ ic embac ewa qerininawac hilañaguc ooya.

⁴ Niñkinzéhñina imuhucya Kristoac murunec imi Anutuac kiwaiguc késa kecziñ.

⁵ Iwawai imuac me imuac imi moczoñ neñañ murunec zéma neñaoc sécnina hezac imuhuc ménda zéma nimbiñ. Néñ sécnina séc he nénécmizac imi Anutu arunec zéma nimbiñ.

⁶ Inéñ mia sisipac ac qelia imuac ai ic wambiñ zé niñkinzéhñina mihicñi nénécmiyec. Imi mia kiwiyanéhñec qahac, néñ Uñayanéhñec, kiwinéhñ nunuhumuanzac néñ Uñanéñ kekec mihicñi nénécmianzac.

Sisipac ac qeliawac edamuya.

⁷ Kiwi hoc hilaŋaiguc néndéngéma ooya, humuc mihicŋi nénécmimia, imuac ai acguc edamuyaguc hayu Israel qelihéra ieneŋ Moseac kic taneciguc imuac asaha hama héiyu, kecma qahac wawaŋa, imuac niŋac wamma héŋsosolima hémmuac séc qahac waŋec.

⁸ Uŋa téréyawac ai imi séc ménŋ ogicma edamuyaguc ménda wammac me?

⁹ Képésicginaguc zétecgé nénécmimiawac ai imi edamuyaguc wanzaciguc, solaŋaguc zénénécmimia imuac ai imi edamuya qesalecgéma mamaya wanzac!

¹⁰ Imi hénia yomuhuc niŋac imuhuc zézua; Edamuya ogicogicya ménŋnéŋ hayu bec nec edamuyaguc kerec imi mia mepé qepésiyaguc ménda wanzac.

¹¹ Kecma qahac wawaŋa imuhucyanéŋ edamuyaguc wanzaciguc heheseli heheya iminéŋ edamuya ogicma kuneŋ nec wanzac.

¹² Nini imi niŋkumu imuhucyaguc kecziŋ, imuac niŋac, bac yandi yandi qahac, haihaka waŋanziŋ.

¹³ Mosenéŋ Israel qelihéra imi iwawai kecma qahac wawaŋa imuac tetecgia imi ménda héŋ sosolimu niŋac kereŋnéŋ eŋeya kic tanera hoturu amuma kerec. Waŋu nini imi imuhuc ménda waŋanziŋ.

¹⁴ Néŋ éréma deguc acguc imi eneŋ ewa seliseli waŋ énécmimia waŋu sisipac ac wahala oloŋ niŋanzu nalé imuaru kereŋ imi ménda augic heanzac. Waŋu kereŋ imi Kristoac qeriaiguc auyu mazac.

15 Wañu érékecma deguc Moseac kiwi oloñanzu nalé imuac séc kereñ imi ewa qerigina hoturu énécmimanec hezac.

16 Wañu méñnéñ Miñ Kewunina Yesuac muru melemma kemmac nalé imuaru mia kereñ imi aumimia wammac.

17 Miñ Kewunina imi Uña keczac, imuac niñac imuac me imuac Miñ Kewuninawac Uña keczac imuaru mia qutuma kenha wawaña hezac.

18 Neñañ momac yanda imi kic tanecninaiguc kereñ qahac Miñ Kewuninawac edamu imi wikiñiguc héñziñ ésécnec héñzanziñ. Héñni Miñ Kewuac Uñanéñ wañ nénécmiyu iwac tanecac séc melemma edamuya décyá méñac murunec emma méñac muru kereñanziñ.

4

Iwawai eeyagucnéñ kewuc nomuñ qeriaiguc hezac.

1 Imuac niñac Anutuac wésé niniñiguc ai yomi késa keczñ imuac nini qeri mama ménda wanzñ.

2 Néñ Imuac gamu qeque haka sasañgiaiguc wawaña imi waima diwi qiwiliñ haka héñacya mema Anutuac ackuazéc imi ménda mohosowiñ, néñ ac héla zéau énécmima Anutuac kiwaiguc icya icya ionac ewa qeriginanéñ kétin kétin wañ énécmiyu niñgési nénécmimu niñac neñaoc mewinini amuanziñ.

3 Neñañ buña suruc hiabia imi kereñaguc hezaciguc imi humucac buña ionac muru sac imuhuc hezac.

⁴ Ionac muru imi Anutuac kic tanera Kristoac buña suruc hiabia imuac edamuya imi ménda hémmu niñac baec yomuac baniara ginanéñ ménda ninzéhéanžu ionac ewa qerigina hoturu énécmiyu keczu.

⁵ Hénia yomuhuc niñac ac imuhuc zéma mazua, Nini imi neñañ niñac ménda zéau énécmianziñ, néñ Kristo Yesu imi momac yanda neñañ Miñ Kewu keczac imi zéma Yesuac niñac wamma nini onac welenj qeçe ic kecziñ imi zéau énécmianziñ.

⁶ Hénia imi yomuhuc; Siñi tunumanj qeriaiguc asac mararañnéñ qetagaliyu zéyec Anutu iminéñ wañ nénécmiyu Yesu Kristoac kic taneraiguc Anutuac edamuya niñmimiawac asac mararañ hemizac iminéñ neñañ ewa qerinaiguc qetagali nénécmianzac.*

⁷ Neñañ imi iwawai eeyaguc imi zéic baecnéñ memeya séwinina imuac qeriaiguc késa kecziñ. Imi mia kuc yanda imi Anutuac muru hezac, néñ neñañ muru ménda hezac imi niñtegicma kecbiñ niñac imuhuc wañ nénécmiyec.

⁸ Néwécnec néwécnec hélanzi nénécmianžu, néñ hézé hézézaya ménda wañanziñ. Kukud-erec miñicñi nénécmianžu, néñ kucmama ménda wañanziñ.

⁹ Nunuhéi wañ nénécmizu, néñ ménda wai nénécmiyu kecanziñ. Qenzañgé nénécmianžu, néñ ménda birima qahac wañanziñ.

¹⁰ Imuhuc wamma séwininaiguc Yesuac humucyawac buña imi bisima kenni Yesuac kekecyawac buña acguc séwininaiguc hicñitegiru hémmu.

* 4:6: Hén 1:3

11 Imi mia Yesuac kekecnéñ séwinina houhouyawac buña imuaru hicñitegiru hémmu niñac neñañ kekecninaguc nalé séc Yesuac niñac wamma humucac déciguc nonopocgic kereñanzñ.

12 Imuac humucnéñ nonac muru ai meyu kekecnéñ onac muru ai mezac.

13 Ni ninzénégéyi imuac zéauyi[☆] imuhuc ooyawac hezac ésécnec, nini ninzén ninzénac ewa qeri imuhucya késa kecziñ, imuac niñac nini acguc ninzénégéziñ imuac zéauziñ.

14 Imi mia hénia yomuhuc niñac, Miñ Kewunina Yesu meqelimiyc inéñ mia Yesuguc nini acguc meqeli nénécmiyu iniguc momacnec iwac wésiaiguc nambiñ zéma ninzégicziñ.

15 Imi hélacnec, nini imi Anutuac ewa hiayanéñ sécgé énécmiyu ic embac sasalanéñ ewa hia ac zésaima keñgic Anutuac muru edamuya hemimac niñac haihaka nina moczoñ yanda imi onac hia niñac wamma meanziñ.

16 Imuac nini qeri mama ménda wanziñ. Séwi icninanéñ zazagima kenzac, néñ qeri icnina imi naléya naléya qelimanec keñanzac.

17 Hénia imi yomuhuc; Nalé hotoña dac meanziñ zéra béra efefia iminéñ edamu yéwéria hehe seli heheya imi mihicñi nénécmimac.

18 Héhéña imi hotoña dac hemac, néñ ménda héhéña imi hehe seli hemac, imuac mia nini imi kicninanéñ héhéñawac séc imuac qahac, néñ kicninanéñ ménda héhéña imuac kic hihi wamma kecanziñ.

☆ 4:13: Leg 116:10

5

Kurumeḅ amaiguc tacyac wambinḅ.

¹ Kic hihi wamma kecanziḅ imuac hénia imi yomuhuc; Baec séwi halinina imi birima qahac waḅu, ama méḅ Anutunéḅ menénéc mimia, méranéḅ ménda memeya, ou kurumeḅiguc hehe seli heheya he nénécmizac imi ninziḅ.

² Imi sac qahac hénia méḅ imi yomuhuc; Nini séwi hali yomuac qeriaiguc yaiwisisiḅ wamma kurumeḅac séwi ama héinéncmiyu mewinḅ zé qerininanéḅ késama mambéc kecziḅ.

³ Imuhuc héiwiḅiguc, katanec ménda nanni ninicmu.

⁴ Hali yomuac qeriaiguc kecma bisi qatéḅiguc yaiwisisiḅ waḅanziḅ imi hetecgéwiḅ niḅac qahac néḅ imuac qahaiguc méḅ qeliawac héini houhouyawac buḅa imi kekecnéḅ qécgémac niḅac imuhuc waḅanziḅ.

⁵ Waḅu Anutunéḅ mia haka imi mihicḅi nénécmima Uḅa Téréya nénécmiyec. Waḅu Uḅa Téréya iminéḅ haka tosara kecma hicḅi nénécmimac imuac asé kiwi waḅ nénécmizac.

⁶ Imuac niḅac nini baecac séwi halininaiguc kecanziḅ nalé imuaru imi Miḅ Kewunina ou keru nini lakec you neḅacnec kecanziḅ imi ninziḅ, néḅ kileḅ nalé séc niḅkinzéḅninaguc kecanziḅ.

⁷ Imi mia nini kicninanéḅ héhéḅa imuaru qahac, néḅ ninzéḅ ninzéḅiguc kecanziḅ.

⁸ Nini niḅkinzéḅninaguc, waḅu efima séwiac ama hali imi waima ama héla imuaru kemma Miḅ Kewuninaguc kecbiḅ zé waḅanziḅ.

9 Imuac nini kecbiņ me waima kembiniņiguc, ségiségi mihicņi miwiņ zéma niņselima kecanziņ.

10 Hénia imi mia yomuhuc, neņaņ moczoņ yanda Kristoac zégésigési tatac imuac wésiaiguc wininima namma neņac neņac séwininaiguc kecma wawaņ meme hia me biria waņiņ imuac séc méndacma bakia mewiņac hezac.

Miņ Kewuac luae qeqe ai.

11 Miņ Kewuninawac bac yandi yandi imuac hénia niņtegicanziņ, imuac niņac ic embac tosara zénaņgé énécmiziņ. Waņu nini miņ séc Anutunéņ niņyacgé nénécmizac. Waņu ini acguc ewa kėtiņ kėtiņ waņ énécmiyu niņyacgé nénécmizu zéma niņkumuzua.

12 Nini muņguc neņaoc ménda zénaņgé amuziņ, néņ eņaoc nonac niņac niņgic zézé ségiségi ginaguc wammu niņac nalé titiņa méņ mihicņi énécmiziņ. Waņu tosara ewa qeriac buņa niņac qahac, néņ séwiac buņa niņac wamma meyac amuzu imi onac ac bakia hia meleņ énécmimu.

13 Nini ewa soho kecziņiguc imi Anutuac wamma imuhuc kecziņ. Waņu nini ewanina hia kecziņiguc imi acguc onac niņac wamma imuhuc kecziņ.

14 Momacgucnéņ momac yanda neņaņ niņac wamma humuyec. Imuac niņac neņaņ moczoņ humuyiņ imi niņzéhégzua. Hénia imuac niņac Kristoac goi héihéinéņ hinocgé nénécmizac.

15 Waņu kekecguc kecanziņ neņaņ imi muņguc neņaņ niņac wamma ménda kecbiņ, néņ neņaņ niņac humuma muņguc qelima yarec iwac niņac

wamma kecbiŋ niŋac inéŋ momac yanda neŋaŋ niŋac humuyec.

¹⁶ Imuac degucmuanec ic méŋac méŋ séwiya hémma ménda nimbiŋ. Nini Kristo acguc séwiiguc hémma niŋi, néŋ muŋguc méŋ imuhucyanec ménda niŋanzin.

¹⁷ Imuac ic méŋnéŋ méŋ Kristoac qeriaiguc keczu imi ic qelia, wahala imi keŋec, néŋ héŋgic, qelia hazac.

¹⁸ Haka imuhucya imuhucya moczoŋ Anutuac murunec hicŋihicŋiya. Inéŋ Kristoac qeriaiguc ewa momac mihicŋi nénécmiyec. Waŋu ewa momac mihicŋi énécmiawac ai buŋa qenénécmiyec.

¹⁹ Imi mia Anutunéŋ késpedesicnina imi ménda olomma Kristoac qeriaiguc eŋeyaguc baec ic embac momac yanda ewa momac mihicŋi nénécmiyec. Imuhuc wamma ewa momac mihicŋi mihicŋiyawac ackuazéc imi méraninaiguc hai nénécmiyec.

²⁰ Hénia imuac niŋac nini imi Kristoac kua meme ic wamma Anutunéŋ neŋaŋ kuanina mema zéwelec énécmizac ésécnec Kristoac nanaŋiguc namma zéwelec énécmima yomuhuc énézézua, Anutuguc ewa momac wamma kecmu.

²¹ Anutunéŋ neŋaŋ imi Yesuac qeriaiguc Anutuac solaŋ dindiŋawac buŋa wamma kecbiŋ niŋac Kristo késpedesic méŋ ménda waŋec, néŋ késpedesic ic tanec nimmiyec.*

* **5:21:** Me késpedesicac mulu.

6

¹ Anutuguc momacnec ai meanziñ nenen énézéziñ, Anutuac ewa hia imi eñ ménda késa kecmu.

² Imuac Anutunéñ yomuhuc zézac, Nalé nimba hezac* ☆ Ninzu, deguc imi nalé nimba hezac imi mia wanzac, ninzu, deguc imi anjéñ titiac naléya wanzac!

³ Aininaiguc gocya mihicñiwu niñac nini haihaka qonzon tonjé énécmimia ménñ ménda hai énécmianziñ.

⁴ Néñ ainina meanziñ séc Anutuac welen qeque ic kecziñ zéma imuac séc neñacnec mewinini amuma yéwéri hénia hénia eñeña yomuhucyaiguc nañ selianziñ, zéra waiya, yéwéri, waizalañ,

⁵ nunuhéi, hésa ama, qewelon wañ nénécmimia, ai yanda, gau qeque, yaka niñ humuc,

⁶ météré amuma kekec, ninñ ai, bisiqatéñ wamma kekec, qambañtoho, Uñaguc kekec, goi héihéi héra,

⁷ Ac héra zéma Anutuac kuha qeriaiguc kekec, kekec solañawac sou méra héi kananinaiguc késa kekec,

⁸ edamuiguc me mema titiiguc, qac buña hia me biria, ic héra kecni ikoc ic zénéncmimia,

⁹ ic eñomia tanec, néñ ic qac buña ninaguc kecma, ic humumia tanecnéñ kekecninaguc, haka biriawac bakia meziñ tanecnéñ ménda humuziñ,

* **6:2:** Énépésimañac séc wanzac. imuaru gezac qema niñénécmizua, wañu anjéñ titiac naléiguc méra énécmizua.

☆ **6:2:** Yes 49:8

10 ewa biric kekec tanecnéj nalé séc ségiségininaguc, maqeqeya tanec, néj sasala mérianj mihicji énécmianzîj, iwawai ménj ménda késa kecziñ tanecnéj iwawai moczoñ yanda he nénécmizac.

11 Korinti ic embac, kuanina imi efima auauya, imuac ewa qerina imi acguc onac auauyawac hezac.

12 Nonac goi héihéinina imi moucmoucgia qahac néj iminéj onac ewa qeriginaiguc mouc moucgiawac hezac.

13 Ni nambérac hécna énézéanzua éséc nec énézézua imuac ini acguc eena héima ewa qerigina imi meyandigic moucmoucgia imi qahac wañu.

Ic ninzéj ninzéjgina qahac iniguc ewa koronj koronj ménda wammu.

14 Solanj dindiña zéma hénac ac logiloginéj dimuhuc séc érérenj wammaoc? Asac mararanj zéma siñi tunumañnéj dimuhuc ala wañamumaoc? Imuac niñac ini imi ménda ninzéjgéanzu iniguc ewa koronjkoronj ménda wammu.

15 Kristo zéma Beliaru† ierenj némaciguc ewa momac wammaoc? Ninzéj ninzéj icnéj ic ménj ménda ninzéjgéanzac i guc némac iwawai amunec qamunec wammaoc?

16 Anutuac ocmuñ zéma baniara ierenj némaciguc niñni momacguc wammaoc? Anutunéj zéyec éséc nec neñañ imi Anutu kekecyaguc iwac ocmuñ kecziñ. Imuac mia

† 6:15: Beliaru imi Sacdanac qara ménj, qac imuac hénia imi Ikoc miñina.

Anutunéñ yomuhuc zéyec; Ni ionac sugginaiguc keñha wamma i iniguc momacnec kecmañ, ni ionac Anutugina wamba ieneñ nuac ic embachéçna wammu.✠

¹⁷ Miñ Kewunéñ yomuhuc zézac, Imuac ini ionac murunec érema héñ héima kecmu. Wañu iwawai sigiginawac buña qeqeya imi késa osi ménda wammu. Imuhuc wañgic, neñ héihéré énéçmimañ.

¹⁸ Neñ onac mañgoc wañ énéçmiwa ini nuac nambéçac héçna wammu. Medac medac wandac wandac miñinanéñ imuhuc zézac.✠

7

¹ Ala sorochéçna neñañ imi sisipac ac zéma maziñ imuhucyawac késa kecziñ, imuac mia Anutuac bac yandi yandi wamma kecbiñ. Kecma kekec téréya imi mesolañanima séwinina zéma uñaninawac haka biria hénihénia igucnec météré amuma kecbiñ.

Pauloac zézé ségiségiya.

² Ini ewa qerigina ménda añgén tinénéçmimu. Nini méñac méñ haka biria ménda wañ énéçmiyiñ. Méñac méñ ménda mebiri énéçmiyiñ. Wañu iwawaigina eñ ménda onagirñ.

³ Ni kápésicgina zéhicñimañ zé ac imuhuc ménda zézua. Bec zéyi ésécnec, nonac ewa qerinaiguc keçgic momacnec kecma momacnec humuwiñ niñac imuhuc énézézua.

⁴ Ni niñkinzénçéma énézézua. Ni onac niñ nimba zézé bipiginaguc wañu qeri mebélac

✠ **6:16:** Lew 26:12, Yer 32:38, Eçk 37:27 ✠ **6:18:** 2Sa 7:14, 2Sa 7:8

qebélac hakanéh sécgé néñanzac. Wañu zéra waiya hénia hénianinaiguc ségiséginéh qesalecgé néñanzac.

⁵ Hénia imi yomuhuc; Nini Makedonia baeciguc hayiñ nalé imuaru nonac séwinina imi tachi-ahiaru qahac kerin, néñ hénia séra séc zéra waiya mihicñiyiñ. Séñganñiguc tualefincñéh, ewa qerininaiguc bac yandi yandinéh he nénécmiyec.

⁶ Néñ Qeri mama wawaña qerinina mebélacgé nénécmianzac Anutu inéh mia Tito hayu qerinina mebélac nénécmiyec

⁷ Tito hayec imi sac qahac néñ meseli wammigic meme seli onarunec mihicñiyec imuac suruc wamma ini qerinéh késama mambéc kecanzu imi zéma, zésiacgina zéma, qeri siñgina nuac hezac imuac suruc momacnec wañ némma qerina mebélacgé néñu ségiségi wammanec wañi.

⁸ Imi mia hénia yomuhuc niñac, ni kiwina oénécmima niñyéwéri mihicñi énécmiyi imuac nimbiri amuyi. Néñ kiwi iminéh nalé hotoña dac sac niñyéwéri mihicñi énécmiyec imi niñasarima deguc imi ménda nimbiri amuzua.

⁹ Ni deguc ségiségi wanzua imi mia niñyéwéri mihicñi énécmiyi imuac niñac qahac, néñ niñyéwéri ginanéh énépésima keñ onoporu ewa hakagina melençic hénia imuac niñac mia. Ini Anutuac ewa siñiguc niñyéwérigic imuac niñac kiwi nonac murunecnéh hénia ménçac ménçiguc haka ménçac ménç ménda mebiri énécmiyec.

¹⁰ Anutuac ewa siñiguc niñyéwéri wañanzin imi kecma ménda nimbiri amuwiñ. Niñyéwéri imuhucyanéh ewa hakanina hainetec mihicñima

anğéj titiiguc nonagicma kenanzac. Wañu baecac niñyéwéri imuhucyanéj humuc mihicñi nénécmianzac.

¹¹ Héngic, Anutuac ewa siñiguc niñyéwérima kekec imi yéwéri qeriaiguc eñañ héniagina qitiric zéaumu niñac ewa qeriginaiguc wésé polañ dimuhucya, zésolañi amuamuya dimuhucya, qerigina kétinğétin dimuhucya, bac yandi yandi dimuhucya, qerinéj késama mambéc kekec dimuhucya, qeri siñ dimuhucya, zémindiñi qemindiñi dimuhucya mihicñi énécmiyec.

¹² Imuac kiwi oénécmiyi imi ic ménj késpedes wañec me ic ménj késpedes eñ wammimia iorac niñac qahac, néj qeri siñginanéj Anutuac kiwaiguc onac muru hicñi énécmimac niñac oénécmiyi.

¹³ Wañu ai imuacnec nini héibélac qéibélac wañ nénécmimia wanziñ.

Wañu Titoac qeri uñanéj onac niñac wamma qeri bénzénj mihicñiyec. Imuac niñac ewa qerina mebélac gégéya imuac qahaiguc toroqema iwac ségiségi niñac nini ségiségi wammanec wamma kecziñ.

¹⁴ Ackuazéc énézéyiñ imi moczoñ héla wanzac ésécnec Tito ézéma meyac énécmiyi imi acguc ac héla wanzac, imuac niñ ni onac ac suruc ézéma meyac énécmiyiiguc imuac gamuna ménda ninzua.

¹⁵ Ini moczoñ bac yandi yandi wamma zénénj hirihiri wamma héihéré mima ara niñtoho wammigic imuac niñ qelima ewa qeriyanéj onac muru moczoñ kendaczac.

¹⁶ Ni solañanec niñkinzénge énécmizua imuac niñac ségiségi wanzua.

8

Haihulac haka.

¹ Ninzén ninzén dacmuna hécna Anutunén Makedonia hénarorin goi héihéiya qeénécmiyec imi ini nimmu niñac wanzua.

² Zéra waiyawac manam batuc kunen yandaiguc ségiségigina qesalecge énécmima mayu maqeqe osiqosiyaiguc kilenj haihulac wamma haleñgina kunenj yanda alenj alenj késama haigic.

³ Ni héipuc ac wamma zéau énécmizua, ienenj hia wammuac séc haleñ hai énécmima enañ ewa sinjina méndacma sécgina ogicma hai énécmigic.

⁴ Ienenj imi ic embac téréya tosara welenj qeénécmiima haleñ hai énécmimiawac ai imuaru toroqewinj zé niñénécmiwinj niñac hélacnec zéwelec nénécmigic.

⁵ Kic hihi wañinj imuacnec sac qahac néñ toroqema ienenj walac enañ kekecgina Minj Kewuni-nawac muru haimigic, wañu imuhucyanec Anu-tuac ewa sinjiguc nonac muru hai nénécmigic.

⁶ Titonénj bec suginaiguc ai imi héniyec imuac niñac ewa hiawac haleñ ai imi meyacgéma metecgémac niñac zénañgé mizinj.

⁷ Ini ninzén ninzén zéma ackuazécgina zéma niniñgina zéma wésé polañgina zéma goinina héianzu ai imuhucya moczonjiguc séc ménj ogicma wamma meanzu ésécnec ewa hiawac haleñ hai-hai aiiguc acguc imuhuc séc ménj ogicma wamma memu.

⁸ Ni zéseli énécmima ménda zézua, néŋ onac siŋgina iminéŋ hélacnec me qahac imi tosara ionac wésé polañ hakaginaguc haiséséc wamma niŋgésima kecza.

⁹ Imi mia hénia yomuhuc niŋac imuhuc zéma mayi; Miŋ Kewunina Yesu Kristoac ewa hiayawac haka yomi ini ninzu. Inéŋ eŋeya maqeqeya néŋnec ini sécgina séc wamma kecmu niŋac eŋeya saméŋ bipiyaguc kerec, néŋ onac niŋac maqeqeya waŋec.

¹⁰ Ai imuac mia niniŋna zéwa niŋgic iminéŋ naŋgé énécmimac. Ini yawuŋ emumuac walac ai imi hénima megic. Waŋu imi sac qahac ini imuac muŋguc wammaŋ zé ewa siŋgina he énécmiyec.

¹¹ Imuac ai imi mema medacmu. Waŋu wésé polañgina he énécmizac séc, iwawaigina he énécmizac séc méndacma wamma medacmu.

¹² Wammuac siŋgina he énécmizaciguc, iwawai he énécmizac séc haigic memeyawac séc wammac, waŋu ménda he énécmizac igucnec imi ménda memeya wammac.

¹³ Imi mia tosara meefi énécmima ini meyéwéri énécmimaŋ niŋac qahac, néŋ séc éréréŋ waŋu kecmu niŋac.

¹⁴ Onac saméŋaginanéŋ ionac mété qététaŋginawac, imuhucyanec ionac saméŋaginanéŋ onac séc mété qététaŋginawac haigic keŋha waŋu, séc éréréŋnec hiabia wammac.

¹⁵ Imuac mia yomuhuc ooyawac hezac, sasala tocgégic imi eneŋ saméŋa ginaguc ménda waŋgic. Waŋu komodia tocgégic imi eneŋ acguc mété qététaŋ ginaguc ménda waŋgic.

Tito Korinti ama areŋ yandaiguc mélimiyec.

16 (16a) Onac niŋac wamma wésé polañ nena-muru henénzac imuhucyanec Anutunéŋ Titoac ewa qeriaiguc momacnec haimiyec.

17 Miyu inéŋ nonac zénaŋgé ac késayec imi sac qahac, néŋ wésé polañ hemiyecac deguc kunenŋec ogicma hemiyu eŋeya ewa siŋ méndacma onac muru kemmanŋ zé kenzac imuac niŋac (16b) Anutu ewa hia ac wammizua.

18 Ninzéhŋ ninzéhŋ dacmuna méŋ i guc momacnec mélini hazac. Waŋu inéŋ mia buŋa suruc hiabia zéau énécmima hénaroiŋ tuŋa tuŋa ionac suginaiguc qac buŋayaguc waŋanŋac.

19 Imi sac qahac, nini Miŋ Kewuninawac edamuyawac niŋac zéma nonac ewa siŋ héla imi énézéyu hémmu niŋac zéma ewa hiawac haleŋ ai meni ic imi momacnec keŋha wammac niŋac hénaroiŋ tuŋa tuŋa ienenŋ gésimima kumugic.

20 Nini imi haleŋ kunenŋ yanda nonac méraninaiguc haigic galeŋgéanzihŋ ai imuac méŋnéŋ méŋ zébiri nénécmiwac niŋ técnina nimma kecanŋihŋ.

21 Hénia imi yomuhuc, nini Miŋ Kewuninawac kiwaiguc sac qahac, néŋ ic embac ionac kicginaiguc momacnec haka hiabia wambiŋ zé, técnina nimma kecbihŋ zé wanŋihŋ.

22 Waŋu iriguc momacnec ninzéhŋ ninzéhŋ dacmuna méŋ mélini keŋec. Iwac mia héŋgésima niŋni, ic imi ai sasala imuac wésé polañaguc kerec. Waŋu deguc imi onac niŋu ewa qeriaiguc niŋkinzéhŋ kunenŋ yanda hicŋimiyu, wésé polañ imi ogicma kunenŋ yanda ai imi memañ zé wanŋac.

²³ Titoac zéwa niŋgic, inéŋ onac welenŋ qeŋe ainaiguc mérana zéma ai momacna wanzac, waŋu ninzéhŋ ninzéhŋ dacmuna éréhéčna niŋac zéwa, iereŋ imi hénaroiŋ tuŋa tuŋa ionac méliméli ic éréhécgina zéma Kristoac edamuya wanzaoc.

²⁴ Imuac niŋac ini imi hénaroiŋ tuŋa tuŋa ionac kicginaiguc eŋaŋ siŋginawac héla zéma zézé bipi ac waŋ énécmiyiŋ imuac hénia imi eŋaŋ haihaka ginaiguc haima ic haréwéc ionac mewinini énécmigic hémmu.

9

¹ (2a) Ni onac wésé polañ imi ninzua hénia imuac niŋac ⁽¹⁾ ic embac téréya welenŋ qeénécmiawac kiwi muŋguc oénécmimaŋ zé nimba hénia qahac wanzac.

² (2b) Ni onac niŋ wamma Makedonia ic embac énézéma Akaiá baeciguc imi yawuŋ emumuac bec zéréŋ qéréŋ wandacgic zéma onac mepési énécmiyiŋ. Waŋu imuhuc énézéwa onac wésé polañginanéŋ ic embac héla yanda ewa qerigina meefi énécmiyec.

³ Waŋu mepési énécmima ac zéyi iminéŋ héla qahac ménda wammac, néŋ zéyi ésécnec zéréŋ qéréŋ wandacmu niŋac ic imi méli énécmiyi.

⁴ Qahac waŋu, Makedonia ic embac ieneŋ niguc momacnec kemma ini zéréŋ qéréŋ ménda wamma kecgic inicmuiguc ini sac qahac, néŋ nini momacnec ninzéhŋgéma kerinŋ imuac mia gamunéhŋ qacninaiguc embac niŋac.

⁵ Imuac ni ninzéhŋ ninzéhŋ dacmuna ini meefi énécmiwa walac walac onac muru hama ewa hiawac haleŋ bec nec haiwiŋ zé ac zikima zégic imi

nalé ménda ducñiyunec zérénqérén wandacmu zéma zénañgé énécmimu iminén hia zéma niñi. Imuhuc zérén qérén wamma tocgogic zéhinociguc qahac, nén ewa hiawac haleñ héla wammac.

Héla sasala mihicñiwñ zé gocmia nétéréma qesagic.

⁶ Añgétima komocdia héihimic wammu imi eneñ komocdia metocgomu, nén nétéréma sasala héihimic wammu imi eneñ sasala metocgomuac hezac.

⁷ Niñgic qeriginaiguc hezac imuac séc méndacma haimu, nén añgétitiginaguc me zéhinociguc ménda haimu. Anutunén ewa hia nimma haianzu ionac siñgina niñanzac.

⁸ Imi mia nalé séc ai hiabia imuac me imuac sécginaguc wamma nétéréma memu niñac Anutu imi ewa hiawac buña hénia hénia hia qesalecgé énécmimacac kuha hemizac.

⁹ Ac kiwi yomuhuc hezac; inén séc qema méndemma ic maqeqeya énécmianzac. Wañu iwac solañ dindiñawac haka imi nalé tetcgia qahac hemac.✧

¹⁰ Héi himicanzu ionac muru wariha zéma ne-neac buña momacnec énécmianzac inén iwawai mesai énécmima wariha énécmima imuhucyanec onac solañ dindiñawac haka imuac héla momacnec toroqe énécmimac.

¹¹ Ini hénia hénihéniaiguc mesécgé énécmiyu haka hénihéniaiguc sese kuneñ yanda hai énécmigic, eñañ haihulac haka imuac hélanén ai meni ic embac ieneñ Anutu ewa hia ac ézému.

✧ 9:9: Leg 112:9

¹² Welenj qeƣe ai iminéj ic embac téréya tosara iwawai imuac me imuac hocgic mihicni énécmianzac. Waŋu imi sac qahac, haka iminéj ewa hia kunéj yanda Anutu qesalecgé mianzac.

¹³ Welenj qeƣe ai iminéj héipuc waŋ énécmiyu, Kristoac buŋa suruc hiabia imi hélacnec zéauma niŋtoho wamma, Yerusalem hénaoŋiŋ zéma ic embac tosara ewa hiawac halej haihulac yandanec welenj qeénécmigic, hémma ic embac ienenj Anutu mepésimianzu.

¹⁴ Imuac ienenj acguc onac niŋac zéwelec ai mema Anutuac ewa hiaya ogicogira qacginaiguc he énécmizac imuac niŋac onac niŋ wamma kecanzu.

¹⁵ Iwac sese imi acninanéj zézéyawac séc qahac, imuac niŋac Anutu ewa hia wammiziŋ.

10

Paulonéj aiya niŋac saiwa acya énézéyec.

¹ Iniguc aŋamma kecanzua imuaru memaamuma kecanzua, néj wai énécmima lakec kecanzua imuaru imi zénéj hirihiri qahac ac énézéanzua Paulo ni nenaoc deguc imi Kristoac memaamuma kekecac haka zéma gum bénzénzénj hakaiguc namma zéwelec waŋ énécmizua.

² Nini séwiac siŋiguc namma haihaka waŋanziŋ zéma nimbiri nénécmianzu imi onac ac selianec énézémaŋac hezac. Waŋu onacmuru hama imuac séciguc meefima ménda zémaŋ zé zéwelec énécmizua.

³ Nini séwiiguc kecanziŋ imi hélacnec, néj séwiac nanaŋiguc yaré ménda qeanziŋ.

⁴ Yaréninacwac tewi zakonj imi séwi igucnec qahac, néj Anutuac kuhanéj raragina selia quwuc muwura tianziñ.

⁵ Wañu ac zééñ zémaya imi zéhézéngéma iwawai Anutuac ninij qetalima emma nanzac imi qeni maanzac, wañu Kristo niñtoho wammimu niñac ninijgina hénia hénia imi ziki sipacgé énécmianziñ.

⁶ Niñ tohotoho hakaginanéj hélaguc wandaru acqeqe haka tosara zémindiñi qemidiñi wambin zé zéréñ qéréñ wamma kecziñ.

⁷ Ini imi séwiiguc sac ninicgési wañ nénécmianzu. Ic ménéñ eñeyaoc Kristoac buña kecanzac imuac niñkinzén gézaciguc eñeya ésécnec nini acguc Kristoac buña kecanziñ imi ewa qerianéj muñguc nimma niñtegiçmac.

⁸ Qac buña Miñ Kewuninanéj nénécmiyec imi hézéngé énécmiwiñ niñac qahac, néj meyac kumu énécmiwiñ niñac nénécmiyec imuac niñac ni imuac komora mén ogicma meyacamuma zémanjiguc gamuna ménda nimmanj.

⁹ Ni kiwi o énécmima memeteric wañ énécmimanj zé wanzua éséc nimbu niñac.

¹⁰ Ic tosara ienenj yomuhuc zéanzu, iwac kiwiya imi yéwéria zéma kuhagucnéj eñeya hama ninicmaciguc qeka meka wamma ac hiabia ménda zéanzac.

¹¹ Ic imuhucya imi enenj yomuhuc niñtegiçmu; Nini imuaru kemma iniguc momacnec kecbinj nalé imuaru imi iniguc ménda kecma kiwiiguc oma zéziñ ésécnec haihaka imuhucya hélacnec wambinj.

12 Nini imi tosara eṇaṇ meyacamuma zéanzu iniguc haiséséc wamma niṅgési amuwiṇac séc qahac, néṅ ieneṅ eṇawunec haiséséc waṇamuma héṅgési waṇamuanzu imuac ionac nimba niṅtegic qinṅtegicgina ménda he énécmizac.

13 Nini imi sécnina ogicma ménda meyac amuwiṇ, néṅ Anutunéṅ miṅ séc méndéṅ nénécmiyec nanaṅ imuhucgeṅ tima kecbiṅ. Imuhuc wamma kec keczu imuac séc ai mewiṅ zé haréyiṅ.✠

14 Nini imi méréc mérécginawac Kristoac buṇa suruc hiabia énézéwiṅ zé walac walac hayiṅ, imuac niṅac nini onac muru hayiṅ nalé imuaru imi nanaṅ ninawac séc imi ogicma ménda hayiṅ.

15 Nini imi tosara ionac ai memeiguc héima namma sécnina ogicma ménda meyac amuziṅ, néṅ ninzéṅ ninzéṅgina yandima kemmac séc sugcinaiguc nonac ai memeac titiṇa imi nétéréma kuney yanda wammac zéma imuac niṅkumuma kecziṅ.

16 Imi mia tosara ionac ai buṇaiguc namma bec mihicṅigic imuaru héima ménda meyac amuwiṅ, néṅ onac baecgina hezac imuac andiaiguc ogicma kemma buṇa suruc hiabia imi énézéwiṅ zé imuhuc wamma kecanziṅ.

17 Zézé ségiségi wambiṅ zé Miṅninawac qeri-aiguc zézé ségiségi wammu.✠

18 Méṅ eṇeyawac mepési amumac imi héipucyaguc qahac, néṅ Miṅninanéṅ mepésimimac iminéṅ héipucyaguc wanzac.

11

Paulo zéma Yesuac Méliméli ic ikora.

¹ Hakana qelaña dac imuac ewaginanéh nanjé némma niñkeczu zéma niñkumuzua. Ohecgina mezua, bisiqatéh wañ néngic!

² Ni Anutuac qeri siñguc onac niñac qeri siñ ninzua. Ni ini embac seraña solaña éséc nec Kristoac muru onopocmañ zé zammaréhiguc iwac buña qeénécmizua.

³ Mokoleñnéñ diwi qiwiliñaiguc Ewa imi ikoc wammiyec éséc nec onac niniñ solaña zéma niniñ héla Kristoac muru héikumugic heyec imuac nec héñacya mema néñgacma ewa qeriginanéñ zapi qeçeya wambac niñac.

⁴ Imi mia hénia yomuhuc niñac imuhuc zéma mazua, Méñnéñ mén hama Yesuac hénia zéau énécmiyiñ imi qahac, néñ hénia mén zéau énécmizac me Uña megic imi qahac, néñ uña mén énécmizac me buña suruc hiabia niñgic imi qahac, néñ ménac énécmizaciguc nalé imuaru imi ini gum bénzénzéh wamma gezacgina hia haianzu.

⁵ Yesuac Méliméli ic kuneñ kuneñ iniguc haiséséc wamma hémma nimba ewa bacginu ménda kecza.

⁶ Hélac nec, ni acna imi hiabianec ménda zéanzua, néñ niniña imi imuhuc qahac, héniana imi ic embac momac yanda suginaiguc hena hénia héniaiguc mewinini énécmiwa nindaczu.

⁷ Ni eñañ meyac énécmima nenaoc memaa-muma Anutuac buña suruc hiabia boñ tegic zéau énécmima késpedesna mihicñizua me?

⁸ Ni welen qeénécman zé wamma hénarın tuņa tuņa tosara ieneņ méra néngic mema kowu neyi gezaņ.

⁹ Ni iniguc kecma iwawai méņac méņ osima kerı nalé imuaru méņac méņ yéwéri ménda mihicņi miyi. Imi mia ninzén ninzén dacmuna tosara Makedonia igucnec hagic imi eneņ iwawai ménda henéjec imi mema hama néngic. Ni héná hénia héniaiguc yéwéri ménda mihicņi énécmiman zé galen mema kerı, waņu toroqema imuhuc wamma kecman.

¹⁰ Kristoac ac héla ewa qerinaiguc hezac imuac niņac Akaia baeciguc imuhucyanec mepé qepési acna zéma mazua imi ewa qerinaiguc hezac imi méņnéņ menéņqe némmacac séc qahac.

¹¹ Hénia némac niņac imuhuc zézua? Goigina ménda héima imuhuc zézua me? Imuhuc qahac, Anutunén ninzac.

¹² Ic tosia eneņ niniguc séc érerén keczu zéma niņénécminu niņac mepési amuwıņ zé nalé titıņa mihicņiwıņ zé waņanzu, néņ ionac nalé titıņa imi netecgéman niņac ni imi waņanzua. Waņu imuac toroqema wammaņ.

¹³ Ic imuhucya imi Yesuac Méliméli ic ikora zéma ai ic ikora. Ieneņ imi Kristo Yesuac Méliméli ic tanec héiyon baiyon wamma kecanzu.

¹⁴ Imi mia haka mérera qahac. Biria miņina acguc edamuya kua meme uņa tanec héiyon baiyon wamma kecanzac.

¹⁵ Imuac niņac Biria miņinawac ai ichéra imi eneņ acguc eņac solaņ dindıwawac ai ic tanec héiyon baiyon wamma kecanzu. Imi mia haka welicwelicgia qahac. Ieneņ imi tetec-

giaiguc wawan memegina biria imuac bakia séc éréřnec késamu.

Paoloac kekec zérabéraya.

¹⁶ Ni muřguc énézézua, méřnéř méř nuac nimma ic qelařa ménda zéma nimmac. Wanu imuhuc ninzaciguc, qelařa éséc hia niřnéřu ni acguc komodia mepési amumař.

¹⁷ Ac zézua imi Miř Kewuninawac ewa siřiguc ménda namma zézua, néř haka qelařaiguc namma meefima mepési amuzua.

¹⁸ Ic sasala ieneř séwiiguc héima namma mepési amuanzu imuac ni acguc mepési amumař.

¹⁹ Imi mia hénia yomuhuc niř imuhuc zézua, ini enaoc niřgic niřteřic qiřteřic ginaguc wanuguc kileř ic qelařa tosara ségiségi wamma ewaginanéř donęé énécmianzu.

²⁰ Imuacnec sac qahac, néř méřnéř hésa ic éséc énépésizac me, kinecqinecyá ésécnec énépésizac me, iwawaigina onagiczac me, meyac amuzac me, hulurř ginaiguc onotozaciguc qeriginanéř hia donęé mianzu.

²¹ Ni imuhucyá me imuhucyawac qeka meka téřgéř kerinř imuac gamuna bisima zéauzua. Néř Méřnéř iwawai méřac meefima meyac amumaciguc, ni acguc qelařa ésécnec meefi amuma hia zémař.

²² Ieneř Hebiraió ic? Ni acguc. Ieneř Israel ic? Ni acguc. Ieneř Abarahamac qelihéra? Ni acguc.

²³ Ieneř Kristoac ai ic? Qelař ésécnec zézua. Ni onogicma iwac ai ic héla keczua. Ai kunerř yanda onogicma meyi, hésa ic hatac sasala onogicma

keri, hihilocnéj nugic qétéya imi olommañac séc qahac, nalé momacguc momacguc humucac déciguc kereñi.

²⁴ Yuda ic eneñ hihilocnéj hatac 5 nugic. Nugic séc, 40 igucnec 1 auma 39 séc nugic.

²⁵ Hatac 3 aribambanéj nugic, hatac 1 hocnéj gilima nugic, hatac 3 konduniguc zéic biriyec, wañu sinji kaiwe momacguc kondunéñ huanéñu kerí.

²⁶ Héna gowogowoiguc haka yomuhucya hicñinéñec, doku téfara zérabéra, kowu nene, nena ic embac, ic enia, ama areña yanda, baec kisia, kondun, wañu dacmuna ikora, imuac qeriaiguc séc, yéwéri mihicñiyi.

²⁷ Wañu kucqege ai zéma qenzeñ manzeñ, sinji sasala gau qeqe, yaka niñ humuc, doku niñac déméñna qañgararañ qequeya, nene qahac kekec, sanjeña zéma séwi usu qahac imuac séciguc zéma

²⁸ wañu imuac qahaiguc ménj hezac imi naléya naléya hénaoriñ tuña tuña héngalen wañ énécmiwa yéwéria kunen yandanéñ hélanzi néñanzac.

²⁹ Sucginaiguc ménéñ qeka meka wañu ni acguc qeka meka ménda wañanzua me? Sucginaiguc ménac ménj wammigic qonzontoj géyu ni acguc ewa biricna geriwaguc ménda wañ néñanzac me?

³⁰ Kilen meyac amumañac hezaciguc, iwawai qeka mekana mewininianzac imuac mia meyacmañ.

³¹ Miñ Kewunina Yesuac Mañgocya, nalé tetecgia qahac mepé qepési wañmimiawac hezac inéñ mia ni ikoc ac ménda zéanzua imi ninzac.

³² Damasiko ama areña yandaiguc ic kewu Areta iwac baec galeña méñnéñ ni népésimañ zé ichéra énézéyu ama yanda imuaru awima kecgic.

³³ Néñ alahécna eneñ ni neñgeñ yandaiguc tinémma ama areña yanda imuac demin gouna igucnec hésaiguc tikologic hingacma baec galen iwac méria igucnec néngari.

12

Paulonéñ tilin tiliniguc héñec.

¹ Ac haréña tanec wanzac, néñ kilen meyac amuma zémanac hezac. Imuac Uñawac haka Min Kewuninanéñ nézéyu héñi imi zéma ac zéauma nézéyec imuac zéwa ninjic.

² Ni Kristoac ic méñ ninzua. Ic imi Uñanéñ wagiru kurumen qétéya 3 imuaru emma mayec. Mama keru yawuñ 14 bec tecgezac. (Nalé imuaru inéñ séwi qeriaiguc kerec me imuac sénganjeniguc kerec imi ni ménda ninzua, néñ Anutunéñ ninzac.)

³ Ni ic yomuhucya ninzua, (inéñ séwi qeriaiguc kerec me imuac sénganjeniguc kerec imi ni ménda ninzua, néñ Anutunéñ ninzac.)

⁴ I imi baec hafi zepaya qahac imuaru wagiru kemma ac zémacac séc qahac imuhucya ninjic. Ic méñ humuma houmacac hezac méñnéñ ac imi muñguc zémacac nin ménda zémimia.

⁵ Ni ic imuhucyawac hia meyacmimañ, néñ nena imi qeka mekanawac ménda zéma méñac méñ mepési amumañac séc qahac.

⁶ Ni ac héla sac zémañ, imuac ninjac mepési amumañ zé wammañiguc imi qelaña ménda

wammaᅇ. Néᅇ méᅇnéᅇ niᅇu haihakana iguc héᅇec me kuana igucnec niᅇec imi ogicma ic hiabia zéma niᅇnémbac niᅇac zémaᅇ zé osizua.

⁷ Uᅇawac iwawai héᅇia héᅇia meauᅇnéᅇec imuac nimba eᅇeᅇa yanda waᅇaᅇzác. Imuac niᅇac ni sécna ogicma meyac amuwi niᅇac séwinaiguc waiya, qara Biria miᅇiᅇawac kua meme uᅇa hainéᅇec. Imi mia sécna ogicma ménda meyac amumaᅇ niᅇac yéwéri mihicᅇi némmaᅇ zé imuhuc hainéᅇec.

⁸ Waᅇu yéwéri imi wainéᅇmmac niᅇac Miᅇ Kewu zéwelec wammima kecba hatac haréwéc waᅇec.

⁹ Waᅇu ac yomuhuc nézéyec, kucnanéᅇ qeka mekagaiguc mesolaᅇaᅇaᅇiaᅇzác imuac niᅇac ewa hianaᅇéᅇ sécgé géᅇzác. Imuac niᅇ ni Kris-toac kuhanéᅇ nuaru henéᅇmmac niᅇac ségiségi wamma qeka mekanawac nimba eᅇu Anutu zéhiaru miᅇaᅇ.

¹⁰ Qekameka mihicᅇiaᅇzua séc kucnaguc waᅇaᅇzua imuac niᅇ, ni Kristoac wamma qeka mekana zéma mematiti ac zéma ai yanda zéma, nunesi zéma yéwéri mihicᅇiaᅇzua séc ségiségi waᅇaᅇzua.

Paulonéᅇ ic enia ionac ai ic buᅇa qemimia waᅇec.

¹¹ Ni qelaᅇa wanzua, néᅇ ini hinocgé néᅇᅇic imuhuc wanzua. Eneᅇ meyac néᅇmuac hezac. Ni ic eᅇomia, néᅇ Yesuac Méliméli ic eᅇeᅇa yanda iniguc haiséséc wamma hémba ni ewac bacᅇinu ménda kecua.

¹² Ni onac sugcinaiguc gum bénzénzéᅇ kunéᅇ yandaiguc sésécac haka méréra zéma haka welic

welicgia zéma ai kuhaguc wamma mewa iminéŋ Yesuac méliméli ic héla keczua imuac asé kiwiya waŋ néŋzac.

¹³ Yéwéri ménda mihicŋi énécmiyi késpedesna imi sac waima haka tosara ménŋac ménŋ niŋac ménda nimbiri némmu, néŋ welenŋ qeénécmiwa onac muru hénarionŋ tosia ionac séc ménda wawaŋa ménŋ he énécmizac me?

¹⁴ Ninzu, onac muru hamaŋ zé zéréŋqéréŋ wamba deguc hatac haréwéc wanŋac, néŋ yéwéri ménŋ ménda mihicŋi énécmimaŋ. Ni onac iwawaigina niŋac qahac, néŋ eŋaŋ niŋac wamma zéwelec énécmizua. Nambérac eneŋ neŋgoc maŋgoc ginawac iwawai hofiŋguc haiyic heyu emmacac ménda hezac, néŋ neŋgoc maŋgoc eŋaoc nambérac hécginawac wamma imuhuc wammucac hezac.

¹⁵ Ni mia kekec uŋaginanéŋ hiarumac niŋac ségiségi wamma iwawaina auma imuacnec toroqema kekecna momacnec hia auénécmidacmaŋ. Waŋu siŋgina niŋanzua séc kemma muŋguc yanda kuneŋ yanda waŋu, siŋna niŋgic séc kemma muŋguc yanda komora wammacac hezac me?

¹⁶ Ic tosianéŋ nuac yomuhuc zéanzu, ni onac réwéri ménda énécmiyi, néŋ diwi qiwiliŋ ic keczuawac diwi qiwiliŋ waŋ énécmima énépésiyec.

¹⁷ Ni ichécna onaru méli énécmima ionarunec mérac zéwa méra néŋu iwawaigina onagiri me?

¹⁸ Waŋu Tito onacmuru kemmac niŋac zémiyi imuhucnec ninzéŋ ninzéŋ munana ménŋ méliwa wagic amuma hayoc, waŋu Titonéŋ hama iwawai

mén onagirec me? Ini niŋgic, i zéma ni nekaoc Uŋa téréya imuhucyanec zéma héna momacguc ménda kecanzic tanec wanzac me?

¹⁹ Ini niŋgic éréma deguc nini héikenzé héihazé wammanec kecziŋ tanec wanzac gezaŋ. Imuhuc qahac. Nini Kristoguc kecma Anutuac kiwaiguc énézéziŋ. Ala sorochécnina, imi moczoŋ ini nangé énécmiwiŋ zé zéziŋ.

²⁰ Ni onac muru hamaŋ nalé imuaru, ini hémmaŋ zé niŋi haka imuhucya ménda wamma kecgic inicbi niŋac, ini acguc hémbiŋ zé niŋgic séc ménda wamma kecba némbu niŋac, bacna yandizac. Imi sac qahac onac muru tualefic zéma nimbupuc zéma qeri geric zéma méndéŋ amuma kekec zéma zébiri qébiri zéma andé lukuc ac zéma tétéc qeŋe zéma kaižiliweŋ wamma kecbu niŋac zénéŋna hirizac.

²¹ Onac murunec tosianéŋ haihaka zapi qeŋeya zéma kaisero zéma nezéléléŋ haka imuhucya wamma qerigina ménda melenŋanžu. Waŋu imuhuc wammanec kecgic, onaru hawa Anutunanéŋ memanéŋu, ic imuhucya ionac siacma ewa goro wambi niŋac bacna yandizac.

13

Goro ac tetecgia.

¹ Ni deguc hatac haréwécac onac muru hamaŋ. Hama énézéwa héipuc ic éréhéc me haréwécnéŋ ac kuagina igucnec nindacma hélawac zéseliwiŋ.✧

² Hatac éréhéc hayi nalé imuaru bec goro ac énézéyi ésecnec deguc lakec kecma goro ac walac

✧ **13:1:** Hén 19:15

énézéwa niŋgic, muŋguc hamaŋ imuaru imi bec-
nec késpedesic waŋgic ic ionac zéma ic tosara ionac
késpedesicgina imi ménda wai énécmimaŋ.

³ Kristonéh nuac qeriiguc ac haiyu zéanzua
imuac hénia hicŋitegiru hémbiŋ zé waŋanzu.
Imuac niŋac imuhuc zézua. Kristo imi onac muru
kuc mama ménda waŋanzac, néŋ ewa qerigi-
naiguc kuhaguc aiya meanzac.

⁴ Hélawac zéni, Kristo imi kuc mama keru ic
héŋgeŋa wéndaraiguc qegic, néŋ Anutuac ku-
ciguc yarecac kecanzac. Nini imi imuhucyanec
iwac qeriaiguc bélacgéma kecanziŋ, néŋ welenŋ
qeénécmiwiŋ zé Anutuac kuciguc kecanziŋ.

⁵ Ini ninzéh ninzéhŋuc kecanzu me qahac imi
niŋasariwiŋ zé batucgéma niŋgési amumu. Yesu
Kristonéh ewa qeriginaiguc kecanzac imi ménda
niŋasarizu me? Ini imi ménda niŋtegitcuiguc ini
ninzéh ninzéh ic héla qahac.

⁶ Waŋu nini imi ninzéh ninzéh ic ikora qahac,
hénia imi niŋtegitcu niŋac wanzua.

⁷ Anutunéh galeŋgé énécmiyu késpedesic ménŋ
ménda wammu niŋac Anutu zéwelecmima ke-
canziŋ. Imi mia ninicgic nini ninzéh ninzéh ic
héla kecanziŋ tanec wambiŋ niŋac qahac. Nini
imi ninicgic ninzéh ninzéh ic ikora tanec hia
wambiŋ, néŋ ini imi haka silic solaŋa wamma
kecmu niŋac imuhuc wamma kecanziŋ.

⁸ Nini imuhucyanéh haka ménŋac ménŋ ac héla
imi logima wambiŋac séc qahac, néŋ imuacnec
sac méndacma wamma kecwiŋac hezac imuac
mia imuhuc zézua.

⁹ Hénia ménŋ imi yomuhuc; Kucnina qahac

kecni kucginaguc kecanzu séc ségiségi wamma imuhuc solañanima kecmu niñac Anutu zéwelec wammianziñ.

¹⁰ Miñ Kewunéñ qac buña néñec iminéñ ménda hézéngé énécmimañ, néñ meyac énécmimañ niñac néñec. Imuac niñac ni onaru hama qac buñana imuaru héima namma ac geriwaguc ménda wañ énécmimañ zé lakec kecmanec walac goro ac oénécmizua.

Yaizésé ac tetecgia.

¹¹ Dacmuna hécna ac tetecgiawac zéwa gezacgina haima nimma niñtohomu, ségiségi wamma kecmu. Imuhuc wamma solañanima ewa momac wamma luaeguc kecmu. Goi héihéi zéma luae miñina Anutunéñ iniguc kecmac.

¹² Kiricne téréyaguc yaizésé ac wañamumu.*

¹³ Ic embac téréya momac yanda eneñ acguc yaizésé ac wañ énécmizu.

¹⁴ Miñ Kewu Yesu Kristoac ewa hia zéma Anutuac goi héihéi zéma Uña téréyawac ala kekecnéñ tuñ onac muru he énécmimac.†

* **13:12:** Kiwi tosaraiguc ac yomi kemaña 11 tetecgiaiguc toroqema ogic heyu kemaña 13 zéma 14 imi melemma 12 zéma 13 ogic hezac. † **13:14:** Kemaña yomi kiwi tosaraiguc ménda hezac.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665